

廣德州志卷四

地域志 山川二 塘壩附

山川二

州之水十有六潭一泉一井八

桐汭水

州治西南九十里

左傳哀十五年夏楚子西子期伐吳及

桐汭杜氏注云宣城廣德縣西南有桐水出白石山西

北入丹陽湖水經南江又東與桐水合又東逕寧國縣

南酈氏注云南江又東逕故鄣縣南安吉縣北元和郡

縣志桐汭水在縣西五十里春秋楚子期伐吳至桐汭

廣德州志

卷四

山川

一

是也方輿紀要桐水源出州南白石山或謂之白石水

杜氏曰白石之水衝突則三湖皆為之濫是也

案三湖謂石白

固城丹陽也丹陽最大故總名丹陽

三湖滙徽州江取大互詳南碕湖

案是方州為最古流亦最大且逕自春秋迄今二

千餘年中間渟淤淺竭所必不免而懸泉神漢縣縣

不絕資其灌溉津逮者二百餘里志家祇據傳注為

說未嘗不是但於源流分合經由之道概從踈畧即

水經所載與南江合者亦不之及竊所未安至於命

名計里尤多岐誤惟元和志依左傳作桐汭水最為

得之縣西五十里乃就其溪關者言之今誓節波黃
茅水漲時汪洋淼漫蓋猶唐時故道也鄭樵通志依
杜注作桐水出廣德軍西南尙未爲失文獻通考亦
云縣有桐水明一統志南畿志始改爲桐川水在州
西北源出白石云云明史西北有桐川匯丹陽湖入
江亦名白石水通志在西北二十五里州志又作桐
水溪其所在萬厯志云州南八十里楊門李志云州
西八十里夫均是桐也何以稱名迭變考說文川貫
穿通流水也爾雅水注川曰谿李巡注出于山注于

廣德州志

卷四

山川

二

川曰谿然則以其通流於西北故謂之川濫觴于南
與西故謂之溪歟但西北二十五里實無通川忽西
忽南更不應竟無定處也又土人皆言桐泖爲二水
李志據孔氏水北曰泖又水曲流爲泖以辨其非衆
說紛紜疑莫能定遍詢郡人久之始得其概特紀于
此 白石山在州西南九十里舊志八十里 高峯竦列延
袤三里許桐泖二水出焉桐水自山之西南洪源湧
發北流歷琳塘費村轉折而西過楊灘橋鴉鵲山楊
樹橋朱村梅溪埠下張村奚灣坊邊約行六十里至

上莫村而與泖水合泖水自山之東南潭池下注亦北流歷麒麟坑畫工冲繞出成道山後土人謂之上泖其東歷戈冲從成道山前盤旋山左右西坑者土人謂之下泖地有泖溪村二泖會焉從上徐經百泉山麓磬折而西歷黃厓岔几十數曲而達前冲又北逕俞家壩柏塾橋又西逕裘家壩劉村灘福巡溪約行七十里至上莫村始與桐水合西北流歷溪口茆林西俞至誓節渡卽元和志所云桐泖水去縣五十里者也其時泖水已不自成川後人遂專以桐川名

之不知其發源各異也由是而楊圩洪寨與建平大

溪灘以達于合溪口合溪者建平縣郎溪之水至此

與桐合流明史所謂建平西南有桐川是也蓋自上

莫村至此已約行八十里矣又西北逕浮塘湖又西

過縣城之南至汪家渡又西北至吼兒橋與北河合

約五十餘里復折而西北二十里由寧國之綏溪合

宣城西境諸水入南碕湖而滙於高淳之丹陽湖以

入大江焉綏溪蓋以源出綏安得名亦曰白沙河明

一統志謂楚伐吳至桐泖卽此案志言綏溪在寧國府城北百里源出廣

德建平入南碕湖合句溪入江寧國府志不言其處但云逕洪林橋入南湖橋在府東六十里今以水道按之府實卽水經所稱與南江合之桐水也方桐水志爲是

未合時桐水皆由石徑行汭水皆由沙地行故土人

呼汭爲沙溪桐爲石湖又桐所經琳塘楊灘諸處多

產桐木居民取其子榨油疑桐水得名以此左傳水

連汭稱者甚多如雒汭昭元夏汭昭四豫章之汭昭二杜

注皆以爲水曲羅汭昭五沙汭昭二及此桐汭無注馬

融尙書注則云水所出曰汭王肅注云汭入也又呂

忱云汭者水相入也合諸說言之汭水源出白石其

廣德州志

卷四

山川

四

始回旋隈曲極圓流方折之態而終入于桐名之爲

汭不亦宜乎而區區欲執孔傳以奪之陋矣明一統

志謂郡名桐汭以在桐水內以汭作內解亦未的

秀水州城水有三俱自葛村天溪壩來者一從巽方馬家周

一藤諸壩一從丁方沿山壩自戈村來者從坤方黃泥牧

羊諸壩經流十五里分道入城旋繞州署前後左右環

拱學宮皆從北關而出明隆慶間創開於州守鍾振楊

州守苞復爲之啟閉蓄洩溉田園而培風水日久就淤

乾隆四年州守李國相詳請發帑五百餘金築壩疏濬

水復故道有記載藝文志李

案州境四面皆山惟環城十數里地為平坦昔人立治於此當自有說然大要欲其土厚水深耳前此不敢知康熙間朱國柱開復研池塘記云城內少蓄水之地自泮池外求涇泓一勺不可得信如斯言與石畱何異歟今三水滌洞環抱州署學宮皆挹其秀厥功偉矣南畿志於水首列桐川舊志皆首九斗獨李守以疏濬苦心舉以為四十八溪之冠名雖後起而自近及遠於敘次亦得故以次桐汭而濯纓玉溪附焉

廣德州志

卷四

山川

五

焉

濯纓溪

州西

楊志

崇德門外約二十步許萬厯志

自大漢塘

直抵於此西接玉溪一泓澄澈宋杳清容嘗隱於此

玉溪

州西

南畿志

在州後環繞州城如帶楊志

在州西門外

環繞如帶通志北入碧溪

橫梗溪

州南

南畿志

在明威門外灌田三千七百畝

通志

諸山澗水西北流繞西巘山下北流合于玉溪

案據通志則橫梗與玉實一溪也特隨地異名耳

英溪

州西南

三十里

大源溪州西通志去治百里明一統志自寧國府大陶山

流經州界入南碣湖自丹陽湖蕪湖達於江南畿志同

無量溪州東五里馮夢禎星橋記云其水南合牛首山分流嶺

乾溪諸水與鯉洪合流西北注南碣湖以入江案此即

星橋溪也

案南畿志云無量溪星橋溪皆州東五里今無量溪

有橋名福星土人但名星橋茶時權稅於此其河亦

名星溪河則非二也即鯉洪亦其上流耳

鯉洪溪州東南二十里明一統志其源有二會流於此灌田二萬

廣德州志 卷四 山川 六

餘畝南畿志同通志源出石鼓山分二流復滙於此而合於

桐川

碧溪州東三十里通志源出義蒼山西經中丞里波瀾潌洄澄

澈可愛古木芳洲與溪掩映入畫萬厯志騷人仙侶多

聚於此

案通志言玉溪北入碧溪考碧溪西北流至楊邯橋

滙三溪口抵沈家渡與玉溪合玉溪之水至城北汶

溪橋即與無量溪合則玉溪未嘗入碧溪也

清渡溪州東南四十里南畿志其水清澈

石溪州東南五十里在天寶山麓舊有瀑布范文正嘗紀以詩元

李洞碑云山曰天寶泉曰石溪湍流縈紆清澈可鑑不

復言有瀑布矣

宋范仲淹石溪瀑布通與泉流異發源高更孤下山猶直在到海得清無勢鬪蛟龍惡風吹雨雹粗晚來雲一

色詩句自成圖

雄溪州南五十里

九斗川州北七十里萬厯志衆山盤折川經其中九曲如斗

東亭湖州東三十里南畿志云在湖忠都混一方輿勝覽作東

湖通志云一名浴兵池萬厯志云廣五百餘畝俗傳張

廣德州志 卷四 山川 七

真君所開飯時餘粒化為石魚食之通志作餘麵飼魚至今斲

魚腹中必有腸如麵條

明李崇謙遊東湖漫興三月湖邊春色賒東風開遍碧桃花香分野岸圍成錦影入清波帶作霞靜聽黃鸝鳴

灌木間看白鳥浴晴沙勝遊一似武陵客何處仙家飯熟麻

塔湖州東三十里萬厯志周三里灌田七百餘畝

龍潭在橫山後通志作龍王潭在橫山巔歲旱禱雨輒應楊志

有小魚似龍互詳名蹟

不老泉州南四十里明一統志泉脈長流大旱不涸古有石碑

刻不老泉三字南畿志同

范公井州城南畿志宋范仲淹鑿萬厯志在舊司理廳之北

又名義井今州有雙井是也互詳名蹟

王婆井州東二十里萬厯志王婆舖前詳名蹟

白馬聖井州東北六十里南畿志山巔一石潭方如井冬夏不竭

合路井州西十五里

存濟井州西北二十里萬厯志在石凌舖前善人潘榮潘禮念行

旅苦渴捐貲鑿井濟之

金井在城南李志在麗正門外東首泉脈與笄山通州舊有

銅壺玉漏取此水為準南畿志泉甚清冽南畿志在明威門外一里

廣德州志 卷四

山川

八

萬厯志在兆符門外里許互詳名蹟

銀井在城南李志在麗正門外西首案泉味遜於金井

橫山聖井 丹井 子張井並詳名蹟

建平之水十有七澗七潭八溝二泉四井十有一池二

郎溪在縣南南畿志因居民郎姓故名萬厯志一名郎川通

志源出桐汭諸山之水合流而滙於南湖建平存藁其

水橫互縣境九十餘里其上流一自白茅嶺而西一自

陽山口而北合流於合溪口西北至浮塘湖又西過縣

南抵汪家渡折而北三十里至吼兒橋會於北河復折

而西北入南碕湖由蕪湖入江

合溪

縣東南三十里

楊志

二水合流故名

俗呼合為隔縣志謂今名贛溪誤

西河

縣西門外

楊志

舊與前河通環縣治明嘉靖間築堤塞之

萬曆二十七年知縣朱之楫從士民之請復開舊道其

近河田圩較低慮有水患乃於通縣田內量徵其直償

之原田仍歸其主民皆便之改名文昌河案是河楊志

所載甚明建平存藁則云此即老河其形具在何嘗環

縣治耶但縣志稱朱令議旋寢邑人稱憾然則自萬曆

迄今故道原未嘗復也兩存其說可耳

廣德州志

卷四

山川

九

案建平縣治本宋初郎步鎮也故名郎川其溪流最

遠雖不及州之桐汭而就建平言之自無出其右者

故首列之而以合溪西河附焉

姚村沙溪

縣南七十里

建平存稿

自州北流經縣之陳梅村姚

村折而西北過白社廟至四路橋下北流經長溪入南

湖

余家溪

縣南八十里

袁村溪

縣南八十里

建平存稿

出鴉山之陰由交洪山之東北

流至袁村西北入宣城界通志其地產麻甚佳入溪漚

之則潔白

綱溪

縣東南十里

三峽溪

縣西南

建平存稿

自宗漢嶺下西北流經水鳴橋過

倉里由飛鯉橋一路入南湖志所謂三峽溪蘇大溪小

湖浦長溪是也舊稱中有三橋訪土人無知者蓋四溪

實止一溪志誤分之而又錯出於衆溪中耳

案 溪北

接南湖諸水所經也

蘇大溪

縣西南二十五里

通志

溉田數百頃

縣志

東接三峽水西

通小湖浦溉田可數百頃民甚賴之

廣德州志

卷四

山川

十

小湖浦

縣西南二十五里

萬厯志

作湖浦

縣志

一名裏南湖東接

蘇大溪西過新溝匯南碕湖

赤山溪

縣西南七里

縣志

環繞赤山之麓

案 建平存稿云丁塘橋下之溪縣志未載其水自縣

東南諸山歷周公塘諸壩至南門村之丁塘橋西南

流合陶淋港之水過吳村渡至赤山下北折而經白

沙花賽二圩東出于吼兒橋之南入郎溪又有鍾橋

下之河自縣東諸山西北過中礪橋雙橋以至鍾橋

西流出吼兒橋合郎溪二水皆出縣境行四五十里

而入郎溪以歸南湖此中條之水也案此即亦山溪也志就其環繞處言之非失載也然原委遠遜貢說之分明耳

淘淋港縣西南五里縣志鎮山下蜿蜒十餘里

北溪縣北十里建平存稿謂之北河在楊養圩北長數十里

胥溪縣北四十里萬歷志楊志無說縣志云上接廣通鎮下通

溧陽三塔等堰東匯於海案此胥溪得名不可知由伍

牙山推之或子胥嘗經此耳至廣通鎮在今江寧府高

淳縣即東壩也壩有二相距十里一河貫之為胥溪相

廣德州志 卷四 山川 七

傳子胥所鑿以運糧者今名胥河亦曰中河建平存稿辨合溪之非贛溪是也於此但云匯字無理說亦未詳

浮湖縣東五里南畿志作浮湖塘周五里詳塘

梅渚河縣北三十里楊志入溧陽縣志經三塔以通大江

南碕湖縣西北四十里文獻通考建平有南碕湖南畿志廣德建

平之水皆匯於此流入丹陽湖俗呼南湖寧國府志南

曰南湖北曰北湖今總稱南湖東受廣建諸流建平存

稿西北諸山之水俱匯於湯南湖由荆軻橋入朱村潭

以入南湖案南畿志丹陽湖在高淳縣西南二十里

中流與當塗分界其源有三一出徽州黟縣為舒泉一出廣德州白石山為桐水一出溧水東廬山為吳漕水俱入江

上堰澗 縣東十五里

白石澗 縣東南三十里 **南畿志** 上接桐川下合郎溪以有白石因

名縣志 上接州西章步桐水之源下合郎溪廣德郡南

之水以入南碕湖源出白石故名

後溪古澗 縣東南三十里

後澗 縣西南三十里

廣德州志 卷四

山川 三

清澗 縣北三里 **明一統志** 東接浮湖西通北溪四時澄澈

馬履澗 洗馬澗 並詳名蹟

巖山潭 縣東四十里

浮潭 縣東南二十五里

吳村潭 縣西五里

黃天潭 縣西七里

夏家潭 縣西十二里

朱村潭 縣西十五里 **縣志** 東接郎溪西近南碕湖水深魚多一

名起魚潭

赤沙潭 縣西南七里

龍潭 李志 在伍牙山麓潭上巨石有仙人跡旁有龍王廟

禱雨輒應 縣志 上通重九嶺溧陽之界

新溝 縣西南十五里 三 縣志 東連小湖浦西近南碕湖

寨溝 縣西北一里

龍渦泉 縣東一里

沸泉 縣東十里 南畿志 其味甘冬温夏涼

妙泉 縣南七十里 李志 在大巖山下清冽不竭

龍潭泉 縣南七十里 李志 大巖山頂上

廣德州志 卷四 山川 三

冰玉井 縣西十里 縣志 作 縣志 在寶興圩內

明王勉詩 郎川圍亂山崛起立赤土居民羅山中乏泉

汲溪滸清泉暗藜薄神秘不容吐今夕復何夕翻手變

雲雨山骨洩地脈雲根逗膏乳忽作玻璃點驚看落月

浦天晴碧欲凝風定沙可數咄哉山之阿幽潛悵誰舉

顯晦故有時俯仰易千古

徘徊泉上吟悠悠望天宇

龍井泉 縣南五里 李志 一名温泉在鎮山之麓雖旱不涸

涂公井 縣南十 萬厯志 嘉靖十四年判官涂相鑿邑人宗

濟獄井 縣獄中 楊志明 正德二年邑民任蘭九浚

永清井 縣城東城隍廟前 縣志 明洪熙元年道人錢德誠鑿其水

訓記

澄清雖旱不竭

白茅井

縣東南四十五里

李志

白茅山頂建

平存稿在今營房之

西

惠井

縣北五里

楊志

永惠亭旁明萬曆九年黃時濟鑿

玉乳井

縣後

楊志

在白鶴觀內

八角井

范氏義井

郭母井

並詳名蹟

放生池

縣前

丁公池

縣東五里

李志

在浮湖塘東廖店諸水入焉舊有堰乾

隆十七年邑令貢震有記

廣德州志

卷四

山川

古

塘壩附

山田少溝壑全賴塘壩以資畜洩其利興於洪知軍後之善繼者推廓之舊志於水利不措一詞又載塘而遺壩何也

硯池塘

州治東南

楊志

在柴巷西士民相傳硯池塘中起蛟龍

卽此案是池傳是宋范文正公鑿日久淤塞康熙二十

六年知州朱國柱清理之

時以郡士丁際昌呈懇查卷清理塘界自南至北長四

七弓二尺五寸自東至西橫二十三弓二尺五寸積一千一百一十六弓二尺五寸計塘四畝六分五釐一毫零四忽東至張哲地西至王靖卿地南至張于銘墻北至公路水道自西南角起廣二弓自北至南長十弓轉

廣德州志

卷四

十五

西二十五弓碑稱水自南山發源隨龍從州坤方入城至大街有碑

由百家溪拱繞三峯樓前進硯池塘復由狀元坊南察

院官溝與學宮丁水會於獅子橋下又與巽水合流出

城北水關今查各志州城圖坤水入城西北流繞出州

署後出北水關惟乾隆八年州守羅儀報修秀水壩圖

坤水經州治前東連丁水北合巽水同出水關朱守所

謂從三峯樓入硯池塘者也但龍旣從南來而忽中穿

一渠引水使自西而東龍脈絕矣形家以爲非宜遂論

衆墳玉帶橋河以培護龍脈於乾隆五十八年十月興

工撤橋填築說詳藝文

潢水塘在麗正門外亦名清水潭有二口各周二畝餘州

治發脈筭山於位為離此其脫泄處也俗名龍眼泉旁

有地二號舊為校場易換於民萬歷二十六年間州守

一段猷顯給價復之一給價贖張行學東邊塘一口計二畝五分張學榮地一號計二畝七分

一給價贖包世泮包錚西邊塘一口計二畝地其塘不

許民家車耳灌田其地不許掘損致傷來脈立石永禁

碑現塘水常濁土人相傳清官至則水亦清明以前四

見范文正公參軍時及周守瑛江守暉段守猷顯

廣德州志

卷四

塘壩

六

國朝兩見一在康熙十九年守為門可榮一在康熙三十

三年守為李勳塘南建澄清亭勒東海屠隆詩見名郡

人李得陽有潢水澄清記皆為段作張名世記為門作

梅銷記為李作記並見名蹟李梅碑現存

上興塘萬歷志在茆林都廣一里灌田三百餘畝

管塘萬歷志在州北三里許廣七里灌田二千餘畝通志同

楊村塘萬歷志在茆林都廣二里灌田三百餘畝

高湖塘萬歷志在湖南四都廣五里灌田五百餘畝案康

州守詹宜倫倡捐令田戶楊之斌等重加培築立碑記之云在州北七里許可灌田千餘畝

許家塘 萬厯志 在五十三都廣

白馬塘 通志 州北二十里廣九里灌田

壁丫塘 在水西都廣 二里灌田五

馬理塘 在章墓九都廣 五

下冲塘 在月塘都廣 二里

百丈塘 在湖南四都廣 三

蘭楊志 冲塘 在西孝都廣四里

新塘 在二十九都廣 七

張家塘 在東孝都廣 二里

廣德州志 卷四 塘壩 七

胡家塘 在三十一都廣 三

新創塘 在東孝都廣 二里

白水塘 在十七都廣 二里

馬家塘 萬厯志 在湖忠都廣八里灌田一千五百

汪塘 萬厯志 在十一都廣

胖竹塘 萬厯志 在二十都廣九里灌田一千

新廟塘 萬厯志 在十六都廣

膏蒲塘 萬厯志 在湖南四都廣

古塘 通志 州西二十里廣五里灌田一千二百餘畝 萬厯

周五里

人口塘 在南泉十都廣八里灌田七

南冲塘 在五十三都廣二

馬面塘 在二十九都廣一

夏家塘 通志州東十里廣十里灌田一千餘

狐狸塘 通志州東三十里廣三里灌田

鐵溝塘 在茄林都廣二里灌田三

閔子塘 揚志州西二十里灌田二百畝

油榨塘 在東孝都廣三里灌田四百餘

廣德州志

卷四

塘壩

六

部公塘 州西四十里廣三

斜塢塘 在月塘都廣三里灌田三百

鴉鵲塘 在東孝都廣十里灌

餞壁塘 州西三十里

焦子塘 在湖忠都委曲長五里許灌溉甚多

菰塘 在五十都廣三里

漢洋天溪堰 在旌孝都約百餘丈灌田一

陳河陂 通志在州北三十里灌田五百餘畝

中堂陂 萬歷志在三百

釋山陂萬歷志在三十七都廣五百餘畝通志作灌田五百餘畝

葛村天溪老壩在州東葛村保水源有二一自千古山州龍右掖諸溪澗匯于大溪口即天溪也一

自石鼓山幹龍諸溪澗匯于清溪俗名爛泥坑至大溪口合流至葛村保入秀水溝經落馬道士二壩分水一

由馬家周藤斗米鯉魚以入東城河壩進水洞至復古橋遶州治左出北水關一由沿山入南城河壩進水洞

拱遶學宮出北水關此巽方之秀水也舊為土埂康熙間州守楊苞捐俸更築以石乾隆四年州守李國相請

帑重修諸壩

落馬壩在合村保即葛村也用石築滾水壩長二丈五尺高一尺闊一丈在篁竹保上山採石

道士壩在花園保用石築滾水壩長三丈高三尺闊一丈亦伐石篁竹山乾隆四年重修十五年圯知州帥

暫改築土

廣德州志

卷四

塘壩

九

馬家壩係土壩植椿實土為之

周藤壩在東橋保舊作州圍亦作周藤明隆慶間知州鍾振用石築滾水壩長三丈高二尺五寸闊一丈乾

隆十五年圯暫築土壩

斗米壩在大路保係土壩長四丈高三尺闊一丈

鯉魚壩在大路保係土壩長二丈高三尺闊一丈

東城河壩在大路保用石築滾水壩長一丈高三尺闊一丈乾隆四年李州守重修係紳耆趙李二姓監

修後圯十五年暫改築土青雲樓道士李宗發願捐修石壩以溉河田即令經管

沿山壩在西山何村保水從道士壩來係土壩長七丈高五尺闊一丈此丁方之秀水也

南城河壩在馮下保用石築滾水壩長五丈高四尺闊一丈

黃泥壩 在戈村 水自楊樹坵經節義溪牧羊石滑橫頭三壩至西城河壩進水洞由五馬橋過真武廟遶州

治後出北水關此坤方之秀水也其故道止此後不知何時分其一使由柏家溪巷至南三峯樓下遶州治前

進硯池塘過狀元坊至獅子橋與丁水合同出水關論者以為鑿傷龍脈今堵塞

牧羊壩 在殷村保

石滑壩 在錢村保用石築滾水壩長二丈闊一丈高五尺

橫頭壩 在田家保土名田家突下用石築滾水壩長四丈五尺闊一丈五尺高三尺

西城河壩 在馮下保係土壩長二丈高八尺闊一丈

城洞 巽方水入城洞進深二丈五尺上下各闊一丈一尺高五尺坤方水入城洞進深一丈五尺闊五尺

四寸北方水出城洞進深二丈五尺闊一丈一尺高五尺

廣德州志

卷四

塘壩

三

尺四寸西方水出城洞進深二丈五尺闊二尺高五尺四寸共五洞以上壩洞各丈尺俱照乾隆八年州守

羅儀報銷冊

案諸土石壩引三方秀水自發源至北流計程各十

五里許所灌田三萬一千七百畝零入城培風水禦

火災此郡中水利之最要者乃自隆慶鍾守創築州

岡鵝姆諸壩後遺踪漸湮楊守重築以來復屢有圯

壞或因山溪衝決或因爭水偷挖而溝道亦多阻塞

乾隆元年李守銳意興修初詳請題開帑會新例溪

河塘壩非通都要害應于豐年勸民自築遂爾中止

三年遇旱撫憲孫奏准以工代賑四年復詳請給帑
五百五十四兩有奇令各保紳耆領其事五月告成
各鄉保出具保完甘結備案十五年石壩復圯乃暫
培以土焉

烏泥壩 在葛村保水由郭嶺經神堂冲浪裏至席帽山與大溪合流入老壩

金剛壩 在大宅保

螞蝗壩 在大宅保

葛家壩 在楊灣保

柿樹壩 在方家保

廣德州志

卷四

塘壩

三

苗家壩 在苗村保

郎家壩 在楊灣保

成功壩 在東橋保

黃泥壩 在東橋保 以上諸壩俱在小東鄉

湯家壩 在湯村保

夏家壩 在星橋保

觀音壩 在長塘保

駱家壩 在星橋保演武場旁 以上諸壩俱在大東鄉自金剛至駱家十二壩俱經福星橋東平殿歸巖頭

以入南
碕湖

案溪流迅駛蓄洩全資壩堰但自秀水諸壩之外可考者寥寥聞郡人濮陽景旦嘗倡築興陽壩以禦水患意郡境類此者必多不能盡載姑據所聞錄之勿嫌掛漏也

建平縣

通志云桐汭鄉塘共一百六十一港一陂一堰四灌田

七萬一千一百七十七畝 昭德鄉塘共六百五十二

灌田五萬八千九百九十七畝 臨湖鄉塘共四百三

十九灌田七萬五千六百七十六畝楊志參縣志下同妙泉鄉

廣德州志

卷四

塘壩

三

塘共二百五十八灌田五萬六千八百七十五畝 原

通鄉塘共五百九十灌田七萬四千二百六十八畝一

分

俞塘

在縣東萬歷志三百四十二畝灌田一千二百餘畝

浮湖塘

通志縣東五里灌田一萬二千四百一十五畝萬

畝楊志萬歷二十七年知縣朱之楫修築圩堰墾田三百三十五畝給民佃種每畝歲納穀三斗入預備倉邑人姚一理為記案記畧云其要則在丁公池池當上流山水奔注設堤埂低薄暴水衝激田為巨浸縣北居民沉竈矣朱令取廢壤之土以築堤成廢壤為田是兩利也因名曰朱公圩文詳縣志

五丈塘

通志在縣東廣一十五里灌田一千五百畝南畿志縣志同

青陂塘通志在縣東廣三十里灌田三千六百五十畝案南畿志縣志同萬歷志訛作青皮

姑塘縣東二

城塘縣東二十五里萬歷志五十六畝三分五釐

洞城塘縣東三

大河塘縣東四十五里萬歷志八十畝

周公塘縣東南十五里通志長二百畝

劉塘縣西北二十里萬歷志七十畝

禪緣塘縣南二十五里縣志五十畝

半姑塘縣南三十五里縣志五十畝

廣德州志

卷四

塘壩

三

安土塘縣東南三十里萬歷志五十畝

永昌塘萬歷志五十五畝灌田四百三十五畝

歐陽渡塘縣東南四十里縣志一百餘畝

砂塘縣西

鄭塘縣南十

中塘縣南十

南土塘縣南二十里縣志一百五十畝

新慶塘縣南二十五里萬歷志五十畝

管塘縣南三十里萬歷志五十畝

百安塘 縣南四十里萬歷志五十五畝灌田三百七

謝埠塘 縣南五

諸塘 縣南八

青土塘 縣南九十里縣志五十畝溉田二百五十五畝

前冲塘 縣西南三十里萬歷志四十

永豐塘 縣西南三十里萬歷志三十八畝灌田四百三十五畝楊門諸志失載

長塘 縣南二

包家塘 縣西南五十里萬歷志二十

馬家塘 縣西南五十里萬歷志二十

廣德州志 卷四 塘壩

施村塘 縣西一里祠山殿後

苦竹塘 縣西

闊灘塘 縣西三里縣志埂長胡洪四築堤蓄水至今賴之

仁義塘 縣西三

寺冲塘 縣西三十五里萬歷志八十

官塘 縣西三十里縣志

烏沙塘 縣西北十里通志五百三十七畝灌田一千一百案通志楊志縣志沙俱作紗今從萬

志 歷

百夫塘 縣西三十里萬歷志一百九十五畝灌田七

觀塘縣志約二十畝

信武塘縣志約縣北十里萬曆志袤一十五里七百五十七畝灌田三千四百五十一畝案通志作溉田一百五

十畝

米家塘縣志縣西北三十里縣志三十畝溉田一百五十畝

小石塘縣志縣東北五里縣志約二百五十畝

上宋塘縣志縣東北十里萬曆志三百四十五畝通志同灌田一千三百三十五畝通志同

下宋塘通志與上宋連溉田一千三百二十五畝縣志廣三百四十五畝

上福塘縣志縣東北十里縣志六十五畝溉田一百一十三畝

北拱塘縣志縣東北十五里

廣德州志

卷四

塘壩

三

百觀塘縣志縣東北二十里萬曆志四百五十五畝灌田六百三十五畝

壇基塘縣志縣東北三十里萬曆志六十三畝灌田九百一十四畝三分

高塘縣志縣東北三十里縣志三百八十七畝溉田六百六十七畝

麻埂塘縣志縣東北十里萬曆志三百五十五畝灌田四百七十五畝

柏林塘縣志縣東北十里萬曆志一千八百二十七畝灌田四千七百五十七畝通志同楊志明知縣趙佑卿重

築邑人韋傑記案記畧云廣一百八十二頃有奇正統後堤廢不修變為荒陂趙令修之易土為石廣四丈

高一丈長五丈名曰趙公塘文詳縣志

黃球塘縣志縣東北縣志四十七畝

孔塘

湖洋塘

錢母塘

縣志三塘俱縣西北

渝塘

縣二里

東堰塘

縣東二里

東門堤

西門堤

縣志二堤各長五里許宋慶元間漕司給錢修築自元至明屢決屢築興廢不

常通志康熙十一年知縣高自遠修築

山陽圩

潘城圩

楊學圩

三圩為田幾五千畝明嘉靖間為水所壞四十五年縣令

趙佑卿修築史際記見通志今記入藝文

案志水難於志山志山而失不過崇卑屬獨之小差

廣德州志

卷四

塘壩

三

陰陽向背之未合無甚害也水則其出殊源其流異道疏導決塞各有其宜一有漏誤徂近利者忘遠圖循故事者弛豫備脫逢旱澇施措無所矣就州屬言之州居上流衆山之水流通注可名者土人稱有四十八溪其間分合鉅細不一大抵多歸建平以入南碕湖絕少停蓄北鄉尤甚昔賢大興陂塘以為旱備計至遠也今塘迹雖存淺淤居半諸溪故多沙礫而舊時養山止以樵採供賦其後墾闢漸多山農蒔種麻靛仁草之屬利雖較優而沙土鋤鬆水發時輒沙水

俱下水去沙存溪日益淺每當春漲秋霖灌盈不已驟爲泛溢洪波奔瀉而建平爲壑矣或雨澤愆期向之奔瀉者至此皆成斷潢絕港旱卽枯涸膏腴悉爲草宅舊志所載溪甚畧又無原委而落馬鯉魚等壩僅散見他文不詳所蓄洩者何水道在相度情形隨時疏濬而堅築塘壩使水長可緩其奔騰之勢水落可享其停蓄之利建平地居下流東南連接山阜形勢較高西北最爲低窪所有溪澗卽溪北河爲大皆入南碕而其源皆出於州水暴漲時直趨如駛甚者

廣德州志

卷四

塘壩

三七

高至尋丈故桐汭臨湖二都自宋以來築圩護田明嘉靖間有七十二所今增至一百四所道在按尋要害培築堅厚使水長無衝決之虞水落有灌輸之便至塘堰尤利害攸關南畿志於州縣各舉五塘又於州舉一堰三陂而云咸利灌溉通志河渠志水利門於州縣陂塘之大者無不載萬厯志詳見山川明注周若干里灌田若干畝極是楊門二志乃改附田賦後而於建平僅列其名李志則一概削之尤所不解今在州之塘悉依萬厯志登載建平之塘視楊門縣

志少五丈洞城等二十八塘而所載永昌塘則又爲諸志之所漏急補入之兼詳土石諸壩焉建平多圩田其趙令所修山陽潘城楊學三圩通志入水利治績中誠以水旱之備民命所繫昔之人幾費經營始克著有成績其不得意爲筆削明矣

山田苦旱濟以塘堰此猶爲沿溪居民灌溉所及者言也至如深山高岸全資雨澤一遇亢陽坐受饑困此時但得升斗可使稿者立蘇因憶吳興掌故集有山鄉水利議頗可仿而行之其畧云元儒梁寅嘗議

廣德州志

卷四

塘壩

三

鑿池溉田謂畝畝之間每十畝而廢一畝以爲池則九畝可無災患百畝而廢十畝以爲池則九十畝可無災患觀上虞之下溉湖益信此議可行而永久利民也有志經國者相視一鄉之中擇其最高仰者割爲陂湖先均其稅額於衆利之民次營別業以補失田之戶大展陂岸使廣而多受雖亢旱之年不至耗涸從高瀉下均資遍及沾潤一番可以經月雖有凶災不能及矣況陂湖之利魚蝦雜產芰葦叢生貧者可以養生富者因而便利大雨一注泉流復積前者

既瀉後者復蓄山鄉水利無愈此者孫叔之芍陂汝南之鴻却陂古人成績可以引見自非爲民父母者力主其事愚民誰肯割其成業乎至下鄉之田亦有高亢不通資灌者莫若照依北方掘鑿大井輓轆汲引亦足自辦民可樂成不可謀始出力任事雖存乎人必須奏畱久任方可成功此又監司之責也徐子之說如此以治廣德實因地制宜之良法也若建平永利與州稍異貢令震嘗論之曰建平地勢東南高而西北下東南山阜聯延廣德寧國而縣西南碕湖

則衆流所歸也縣溪澗數十大抵原於廣德入於南湖北有北河長亦數十里其自東南而西北經流九十餘里襟帶縣境者莫大於郎溪而有關通邑利害者惟浮塘湖湖南小圩田百餘畝埂頗卑薄圩南卽郎溪浮湖之東爲丁公池池西田三百畝埂亦卑薄湖西有斗門埂南北長五里中設斗門三旱則啟以灌田其北地形稍高舊有龍塘埂平時溪流如綫春夏之交水率平堤五六月大雨時行萬山之水騰注而下丁公池東北四五里外皆高山澗水趨赴郎溪

溪不能受於是池東廖店鎮一帶之水畢注於池池西之堤不能禦則又自東而西入浮湖湖之南小圩塹破則郎溪之水復自南而北此浮湖所由溢也諸生宗尙賢爲言浮河受水宜急修護龍塘塹蓋水發之時在東則加丁公池塹所以防其入在西北則加築斗門龍塘二塹所以防其出也若郎溪自合溪口至吼兒橋北岸皆係圩田全資堤塹捍衛縣城南門臨溪無塹東爲東門圩西爲西門圩又西爲施吳梁家二圩梁家當溪流曲折處折而北爲竹楊圩松林家

廣德州志

卷四

塘壩

三

圩松楊圩學圩金埭圩楊賽圩楊賽之西爲郎溪北爲北河而西北乃吼兒橋也楊賽之東爲兜臀圩又東爲烏沙圩迤而東南彌望平原則接龍塘塹矣合邑圩田少高多下高圩率在溪南縱有淹沒不過一兩日以水全歸下圩故也東門西門諸圩受水亦止三兩日禾卽被損尙可補栽兜臀楊賽兩圩地形最下積水非月餘不退則秋收便無望矣梁家圩塹兩面臨溪田少塹多修築難以堅固一決則北注竹陽圩又北歷松陽松林諸圩以歸楊賽溢而東則注施

吳圩歷稗梗顧東圩以歸兜臀所以梁家圩埂須下
圩掣築也近城惟西門圩埂最堅厚東門圩埂五六
里間水發埂破水遶北門入城民房半爲波臣乾隆
九年會見其事父老以爲百年來未有也其下流亦
歸兜臀楊賽二圩蓋東門圩埂決則郎溪北注猶之
龍塘埂決則浮湖北注也是故積決之害下圩爲甚
禦災之法上流爲先乾隆十五年小圩決後全賴下
圩人夫掣築龍塘埂圩鄉方得無患次年春余勸諭
西北圩民掣築上圩堤埂爲經久計圩民無不樂從
者乃分施吳西門兜臀烏沙顧東稗梗六圩掣築丁
公池埂分竹陽松林松陽三圩掣築梁家圩埂於是
東自浮湖西至落篷灣一律堅厚矣